

Lub Zos Bloomington
Chav Tsev Ua Haujlwm Rau Pejxeem Suavdaws

Txoj Lajkam Tswjfw m Txog Kam Pua Kev (Pavement Management Program (PMP))

Haujlwm Rau Pejxeem Suavdaws... ua haujlwm rau koj
Zoo Kev: Zoo Haujlwm Thaum Zoo Caij

Haujlwm Engineering Cov Xuabmoo Ua Haujlwm:

8:00 am – 4:30 pm
Vas-cas – Vas-xuv
Xovtooj: 952-563-4870

Haujlwm Tu Kev Cov Xuabmoo Ua Haujlwm:

7:00 am – 3:30 pm
Vas-cas – Vas-xuv
Xovtooj: 952-563-8760

(TTY 952-563-8740) Tso Tau Lus Cia Tseg 24 Xuabmoo Tauj Ib Hnub

Txoj Lajkam Tswjfw m Txog Kam Pua Kev (PMP) mas yog ib zaj tswvyim tu xyuas tej kev. Cov neeg tu kev siv zoo tswvyim thiab tsis laug sijhawm los tu thiab kho. Thaum kawg thiaj ua rau:

- Txoj kev leem tau kav ntev
- Tej nqi them tag nrog rau cov kev los kuj raug nyiaj tsawg me ntsis
- Kom tus nqi tsuab se tag nrho rau cov tswv them los tsawg me ntsis.

PMP khiav haujlwm li cas?

Tej lus qhia txog tias txoj kev tawg pleb tsawg qhov, txoj kev raug pua tuab li cas thiab lub keebkwm kho txog txoj kev yuav raug muab ntau cia ua lus tseg rau hauv koospistawj. Cov lus no mam raug muab ntsuas ua ib tug nabnpawb hu ua (Pavement Condition Index (PCI) qhia txog seb Txoj Kev Muaj Teebmeem Li Cas, es thiaj li paub npaj nyiaj thiab thiaj li paub ua tus qauv qhia tias yuav kho zaj twg. Ua ntej yuav pib haujlwm, txoj kev yuav raug muab ua twbzoo taug xyuas, es thiaj paub xa neeg mus kho kom ncaj chaw.

PCI	Qhia Saib Zoo Li Cas	Tej Ntshai Yuav Tsum Kho
100	Nyuam Qhuav Ua Tau Tshiab	Tsis Muaj Dab Tsi Kho
99-66	Tseem Zoo Txaus	Ywg kua nplaum
65-33	Puas Qho Me Ntsis	Kuam Pobzeb Tawm thiab Leem
35-1	Muaj Teebmeem	Pobzeb Me Ntsis Tshooj
		Rov Ua Dua Tshiab

PMP Pab Tsim Kom Tej Nqi Ua Kev Raug Nyiaj Tsawg Me Ntsis

Tej nyuag kev uas raug kho qho me ntsis los yog tsis raug kho kiag mas tsis dhau 20 xyoo yuav tsum rov raug kho ua dua tshiab tag nrho. Yog nquag xuas kua nplaum coj mus leem lossis leem pobzeb pab ntiv thaum txog caij, mas yuav ua rau kom txoj kev muaj hnub nyoog peb npaug ntiv ua ntev yuav toobkam siv nyiaj ntau kho dua ua tshiab.

Below are the terminologies for the diagram

English	Hmong
Normal Road Life Without Maintenance	Hnubnyoog Ntawm Txoj Kev Uas Tsis Raug Tu
Road Life under PMP	Txoj Kev Lub Hnubnyoog nyob rau PMP Saibxyuas
Construct/Reconstruct	Ua Kev/Rov Tsim Dua Tshiab
Special City Action	Haujlwm Ua Phib-Xej Los Ntawm Lub Zos
Pavement Condition Index (PCI)	Tus Nabnpawb Qhia Saib Kev Muaj Teebmeem Li Cas
Adequate: Low cost- Minimum Maintenance	Tseem Zoo Txaus: Raug Nyiaj Tsawg – Kho Me Me
Marginal: Moderate cost – Special Maintenance	Puas Qho Me Ntsi: Raug Nyiaj Ib Nyuag Ntau – Tsuas Kho Qhov Teebmeem Kiag
Problem: High cost – Reconstruct	Muaj Teebmeem: Raug Nyiaj Ntau - Rov Tsim Dua Tshiab
Sealcoat	Leem kua nplaum
Normal Road Life	Hnubnyoog Ntawm Txoj Kev Raws Li Pheej Pom
Overlay	Leem pobzeb tshooj
Reconstruct	Rov Tsim Dua Tshiab
Years	Xyoo

Cov Tswvyim Ua Kev Siv Nyob Rau Bloomington

NPOG QHOV THIAB KHO

Yog dab tsi? Tsoo tshem tej menyuum pobzob tawg ua qhov ntawm tej kev tawm es rov leem pobzeb rau. Cheb tej kwj pleb ntawm kev kom du thiab kom qhuav, ces muab cov kua nplaum coj los leem rau cov kis pleb. Leem cov kua nplaum rau kom dej nkag txhob tau, mas tseemceeb heev rau tej sijhawm ntuj no uas cov dej khov es rov yaj ua dej.

Leejtwg yog tus npog tej qhov thiab kho tej kev? Cov tubteg ua haujlwm nyob rau Lub Zos Chav Tsev Ua Haujlwm Saibxyuas Tej Kev (City's Maintenance Division) yog cov npog tej qhov thiab kho peb tej kev.

XUAS KUA NPLAUM LEEM

Yog dab tsi? Xuas kua nplaum leem mas yog ib qho uas pab cawm kom txoj kev txhob yaig, vim cov kua nplaum pab tiv thaiv kom cua thiab dej txhob nkag tau, kom txhob noo es puas. Cov kua nplaum dub yuav raug muab txua ywg rau ntawm plag kev, tag ces xuas menyuum pobzeb leem tuaj sau. **Leejtwg yog tus xuas kua nplaum leem?** Cov tubteg ua haujlwm nyob rau Lub Zos Chav Tsev Ua Haujlwm Saibxyuas Tej Kev (City's Maintenance Division) yog cov xuas kua nplaum leem peb tej kev.

KUAM POM ZEB TAWM THIAB LEEM POBZEB TSHOOJ

Yog dab tsi? Txheej pobzeb kua nplaum dub saum toj raug kuam tawm, es leem cov pobzeb tshiab tuaj saum toj rau. Kam kuam pobzeb tawm no mas kuj pab ua rau kom txoj kev tus sib txig zos es thiaj tsav tshab khiav tau tu yees thaum leem tag. Kam leem pobzeb pua kev mas yog ib hom tswvyim kho kev uas pab ua rau koj daim plag kev zoo thiab ua rau kom txoj kev muaj hnuvnyoog kav ntev ntxiv. **Leejtwg yog tus kuam pobzeb tawm thiab leem pobzeb rau?** Ntiav tubteg nyob sab nrauv tuaj ua tiamsis chav tsev xyuas haujlwm Engineering Division yog cov kav xyuas.

KAM ROV TSIM DUA TSHIAB

Yog dab tsi? Tag nrho tej pobzeb kua plaum dub leem tuaj saum toj thiab tej pobzeb leem tuaj hauv qab raug rhuav tshem tawm es rov ua dua tshiab kom txoj kev zoo raws li tej qauv niajnub no. Kam rov tsim dua tshiab mas tejzaum kuj yuav tsum tau tshom av kho kev dua. Rau cov kev uas qhov dav, tus kwj rau dej ntws tawm, tus ntug thiab qhov ciavdej cug nag tsis zoo txaus li tej qauv niajnub no, mas tejzaum yuav raug kho kom zoo raws li tej qauv. **Leejtwg yog tus rov tsim dua tshiab?** Ntiav tubteg nyob sab nrauv tuaj ua tiamsis chav tsev xyuas haujlwm Engineering Division yog cov kav xyuas.

Txoj Lajkam Tswjfwm Txog Kam Pua Kev (Pavement Management Program (PMP))

Muab Nyom Tuaj Pua Rau Cov Vaj Nyom Uas Raug Ua Puastsuaj

Qhov chaw ntiav tuaj ua haujlwm mam li kho tej vaj nyom uas raug ua puastsuaj ntawd kom rov qab zoo li thaum ua ntej yuav raug muab rhuav.

- Yog tias thaj vaj nyom raug pua nyom dua tshiab rau, mas ***tus tswv yog tus muaj lub luag haujlwm*** yuav tsum ywg dej rau cov nyom coj tuaj cog tshiab ntawd.
- Cov nyom coj tuaj cog pua tshiab ntawd mas toobkam dej ywg sai npaum li sai tau (5 am – 8 am). Ywg li no, thiaj yuav muab sijhawm rau cov nyom qhuav ua ntej yuav tsaus ntuj, thiab thiaj tsis ua rau cov dej yaj sai.
- Cov nyom coj tuaj pua cog tshiab mas luag tsuas kam lav-loo **30 hnub** txij li hnub coj tuaj cog kiag los. Lub Zos tsis muaj peevxwm yuam tau qhov chaw ntiav tuaj ua haujlwm ntawd kom lawv lav-loo tej teebmeem uas tshwm sim thaum dhau 30 hnub lawm.

- Cov nyom koj tuaj cog pua tshiab ntawd mas yuav tsum tos li thajtsam 21 hnuv tej mam txiav.
- Thaum dhau sijhawm li hais es yuav txiav cov nyom, mas thawj ob peb zaug uas txiav, mas yuav tsum muab lub tshuab txiav nyom kho kom siab zog. Txiaiv qis hwv, mas yuav ua rau kom lub tshuab txiav tau ntau hwv. Zoo li no mas nws kuj muaj peevxwm ua rau kom thaj nyom qhuav thiab ua rau kom muaj nroj tsuag lwm yam tej hlav tau kaus ntawm thaj nyom ntawd.
- Thov pab cim tej chaw ntawm vaj nyom uas muaj kav dej ywg nyom faus nyob hauv qab.
- Tshem lossis muab tej hlua fais-fab thiab/lossis tej hlua fais-fab thaiv aub tawm ntawm lub vaj nyom (tej chaw uas tseemfwv muaj cai siv). Tus tswv chaw yog tus muaj lub luag haujlwm tshem tej khoom lossis kho tej khoom ntawm tej chaw uas nws tsis muaj cai siv ntawd rov rau.

YOG MUAJ LUS DAB TSI XAV PAUB NTXIV

Ua Kev:

Hu Rau Qhov Chaw Ua Haujlwm Engineering ntawm 952-563-4870

Tu Kev/Kho Kev/Leem Kev:

Hu Rau Tu Kev ntawm 952-563-8760

Nkag mus xyuas peb ntawm www.ci.bloomington.mn.us

Tej Lus Uas Pheej Nquag Nug

- **Txoj kev yog xuas dab tsi ua?**
Cov kua rojhmab nplaum nplaum xyaw nrog xis-mees thiab menyuum pobzeb, muab rhaub kom kub ces muab pua tshooj cov menyuum xuabzeb.
- **Kuv lub vaj nyom yuav zoo li cas thaum ua tag?**
Tag nrho tej khoom uas yeej muaj permit tso cai rau ua yuav raug kho kom rov zoo li qub. Yog luag nqa nyom tuaj pua, mas cov tswv chaw yuav tsum ywg dej rau cov nyom tshiab ntawd.
- **Puas yuav muaj kev cuam tshuam rau kuv tej ntawv luag xa tuaj lossis tej khoom povtseg uas yuav tsum tuaj thauj?**
Tsis muaj. Tej haujlwm khiav mus mus los los no nws yeej khiav nws li qub.
- **Nws yuav ua teebmeem li cas rau tej ciav dej thiab tej kav xau dej pov tseg?**
Tej ciav dej, ciav dej ua kom muaj kev noj qab nyob huv, ciav dej rau nag xob nag cua ntawd puav leej yuav raug ua twbzoo xyuas thiab kho raws li toobkam.
- **Ua li kuv tus kwjdeg uas teev kom dej ntws tawm ne yuav ua li cas?**
Yog tias tus kwjdeg tawm los mus txog rau ntawm txoj kev tshiab, mas tus kwjdeg yuav raug muab txiav tawm, es mam rov qab kho kom los mus txog rau ntawm tus ntug kev tshiab. Lub Zos yuav tsis kam lav paub kho tej kwjdeg uas nyob ncaj rau hauv tseefwv qhov av uas cia li ua es tsis muaj permit raws kev raws cai.

- **Peb muaj ib qho chaw pem hau tsev uas qis tsawv es dej pheej tsis ntws tawm. Ua li qhov chaw ntawd puas raug kho?**
Raug, tiamsis yuav tsum nco ntsoov hais rau Chav Tsev Ua Haujlwm Engineering kom lawv txais paub tias muaj qhov teebmeem ntawd.
- **Kuv puas muaj cuabkav nkag tau los rau ntawm kuv qhov chaw nres tsheb thaum ua txoj kev?**
Muaj cuabkav, tsuas ntshai tias tus ntug kev thiab tus ciav cug dej xis-mees ntawm kev raug hloov dua tshiab. Xis-mees lis yuav tsum tos ib av-thiv thiaj li zoo.
- **Txoj kev tshiab yuav siv caijnyoog qhov ntev ua?**
Sijhawm thajtsam li ob as-thiv ua ntej yuav pib ua txoj kev, mas koj yuav tau txais tsab ntawv ceebtoom qhia txog tej haujlwm ntawm txoj kev. Txoj haujlwm loj mas tejzaum kuj siv tag nrho ib cim ntuj so ua (thajtsam li ntawm peb lub hlis tej).
- **Ua li txoj kev taug kev puas yuav raug kho dua tshiab lossis hloov dua tshiab?**
Cov kev taug kev uas ntxim yuav dawm taw mas yuav raug kho dua lossis hloov dua tshiab.

Tshwm Nyiaj Siv Rau PMP

Txoj Lajkam Tswjfwfwm Txog Kam Pua Kev (Pavement Management Program (PMP)) tau pab ua rau kom tej nqi tu kev thiab kho kev kom zoo no raug nqi tsawg. Hauv qab no mas yuav qhia txog tias nyiaj tau ntawm qhov twg koj los siv ua tej haujlwm no:

LEEM KUA NPLAUM Siv Lub Zos Cov Nyiaj Faib Siv Rau Tej Ub Tej No (General Fund)

LEEM POBZEB TSHOOJ Siv Lub Zos Cov Nyiaj Faib Rau Siv Kho Tsev Kho Choj Kho Kev

Cov nyiaj no mas yog tau los ntawm lub Xeev Minnesota cov se uas sau los ntawm tej roj rau tsheb thiab tej nqi paib tsheb nrog rau tej nyiajsib ntxiv Siv Rau Tej Ub Tej No.

ROV TSIM DUA TSHIAB Siv Lub Zos Cov Nyiaj Faib Siv Rau Tej Ub Tej No thiab Tej Nqi Se Sau los ntawm Tej Vaj Tse

Cov tsev nyob txaus ib yig thiab ob yig mas them li 25 paws-xee ntawm lawv qho se tsev mus rau cov haujlwm no; hos cov khw, cov koospansis, lossis cov tsev txaus ntau ntau yim mas luag txiav 50 paws-xees ntawm lawv qhov se tsev mus them rau cov haujlwm no. Nws kuj muaj nyiaj lwm qhov los pab them yog tsis txaus.

MUAJ LUS DAB TSI XAV PAUB NTXIV mas mus xyuas hauv online ntawm www.cityroads.info lossis www.ci.bloomington.mn.us

LUB SIJHAWM UA KEV

Tej chaw tabtom ua kev mas tsis puaj-phais!

- Txhob mus ze tej tshuab, tej khoom siv thiab tej kwjhoob.
- Ua twbzoo ceevfaj txhob pub tej menyuam yaus mus ze tej chaw no.
- Xyuas tej paib qhia lem kev thiab/lossis tej cim ceebtoom lus.
- Cov pas coj tuaj txhos cim chaw mas tseemceeb heev rau txoj haujlwm; lub sijhawm thaum tseem ua txoj haujlwm no mas thov cia cov pas txho twjywm tseg.

Cov chaw ntiav tuaj ua haujlwm no mas tejzaum lawv kuj muaj ntau txoj haujlwm lawv yuav tsum tau ua thoojtxhij, mas tejzaum yuav yog ib nyuag ntu lawv thiaj tuaj txog ntawm koj. Nws kuj muaj tej xws li huabcua phem thiab tej yam uas xam tsis pom ua rau koj txoj haujlwm tiav lig. ***Ua Twbzoo Tsav Tsheb!***

- Tejzaum txoj kev kuj ntshib thiab muaj tej ntu kev qhov sab saud raug kuam tawm lawm.
- Txawm tias cov chaw ntiav tuaj ua zog ntawd lawv yuav ywg dej rau tej kev kom txhob muaj plua tshauv, los qees chim nws kuj yeej tseem muaj plua tshauv ua teebmeem yog tias lub ntuj qhuav heev.
- Yog ntuj los nag los daus hws, los tejzaum kuj yuav ua rau kev nkos. Yog ua tau los cov neeg ua kev mam kho kom dej ntws tawm lossis kho tej chaw muaj dej ntawd rau.

CEEVFAJ